

## 《淨土生無生論導讀》補充講表

◎附表十五：糅合《淨土生無生論親聞記》、《淨土生無生論講義》、《淨土生無生論會集》

○能觀為三觀，所觀即三諦；全性以起修，故稱為法爾。

◆心性之說，在眾生為性體性量性具，前已屢述。

◆約能觀，即為空、假、中三觀，乃全性體性量性具。約所觀即為真、俗、中三諦，原是一體，不分而分。即明三觀，全在眾生一念中，能所一體，法爾如是也。

◆今全三諦之性德，而起三觀之修德；復全三觀之修德，還照三諦之性德，故曰：「全性起修，全修在性。」故稱「法爾」。

○論曰：三諦者，真俗中也。三觀者，空假中也。

◆「諦」：審實不虛也。謂諦審諸法，即空假中。即空，是性量之真諦。即假，是性具之俗諦。即中，是性體之中諦。此三者次第隔歷，即次第三諦。三一圓融，即圓融三諦。

觀：觀照了然也。謂以三觀，照了三諦。照真，即空觀。照俗，即假觀。照中，即中觀。

◆此三觀三諦，乃天台聖祖智者大師，根據仁王、瓔珞諸經而立。大論、圓覺、楞嚴，則或名義並存，或義顯名隱。要皆佛祖之心傳，眾生之妙性。橫豎法門，無不適用。凡我緇白，必須篤信精研，庶免邪魔混濫焉。然三諦三觀，各有四教不同。

※《楞嚴經文句》卷五云：「觀六種識，皆是因緣所生，無常無我（析空觀），即藏教意。

緣生即空（體空觀），是通教意。依根本識，出生十界染淨因果（假觀），即別教意。六識皆如來藏（中觀），即圓教意也。」

○忘情絕解，莫尚乎真；隨緣應用，莫尚乎俗；融通空有，莫尚乎之中。

◆「真」：即真空，泯一切法也。蓋諸法真相本空，眾生不了，妄執為實。若以空觀蕩之，則凡情聖解纖塵不立，故曰：「忘情絕解，莫尚乎真也」。「俗」：即世俗，立一切法也。諸法雖即本空，而以假觀照之，則佛界之應，九界之用，隨染淨緣，無不宛然，故曰：「隨緣應用，莫尚乎俗也」。

※《金剛經講義》云：「泯亦有二義，不但泯相顯性；亦復泯性顯相，而令圓融也。∴所

謂泯相者，泯是融義，非謂斷滅，即不著不斷是也。」

◆「中」：即中正，統一切法也。諸法本來不即空有二邊，亦不離二空有二邊。若以中觀照之，則能諦了諸法非真非俗，即真即俗，圓融無礙。即了達真諦十界之空，俗諦三千之有，雙遮雙照，無不融之通之。即一而三，即三而一，不可思議。

○虛靈不昧，此吾心自空者也。物來斯應，此吾心自有者也。空有相即，此吾心自中者也。

◆欲知三諦相貌如何，但於現前一念之對，回光返照，即可瞭然。如日用之間，根塵相對，必有念起。推檢此心，本自空洞，了無一物，故謂之「虛」。雖說空無一物，然而湛湛寂寂，纖毫不昧，故謂之「靈」。如一明鏡，雖能遍造萬物，而鏡中一無所有，既虛且靈，隨緣不變。故曰：「吾心自空」。至根塵敵對，遇染淨緣，十界心起，物來斯應。非如明鏡在台，胡來胡現，漢來漢現，故曰：「吾心自有」。

◆然空亦此念，有亦此念；非空非有，即空即有，融通二邊，雙遮雙照，故曰：「空有相即」。既已相即，隨緣不變，不變隨緣，故曰：「吾心自中」。於此心法如是，於佛法、

眾生法亦無不如是，皆有三諦存焉。

○此性也，非修也。三諦也，非三觀也。

◆「此」指三諦。「性」謂真如不變之妙性，不但善法有此妙性，惡法亦有之。修有順逆二種：隨染緣而起逆性之修，謂之三惑。隨淨緣而起順性之修，謂之三觀。性雖本妙，隨染即逆，故《始終心要》云：「見思阻乎空寂，塵沙障乎化導，無明翳乎法性。」

◆欲破三惑，非三觀不為功，故曰：「破一切惑，莫尚乎空；立一切法，莫尚乎假；統一切法，莫尚乎中。」「欲復性以破惑，須全性以起修」；「諦觀名別體復同，是故能所二非二。」皆荊谿尊者之格言，天台之秘要，學者不可不知也。

○修之者，稱性照了也。故體達此心，空洞無物，謂之空；融通二邊，不一不異，謂之中。

◆天台三觀，名為無作妙行者，以其不假作為，稱性照了三諦之性，照性成修。

◆心本空洞，而擅加分別，則成見思；性本具足，而一向迷昧，則成塵沙；體本融通，而妄分一異，則成無明。今行者翻然覺悟，以真空觀，體達此隨緣之心，常不被境所移，

故曰：「空洞無物，謂之空。」。以妙假觀，照了此不變之性，常隨萬法之緣，故曰：「具足萬法，謂之假。」以圓中觀，順於空有二邊而融通之。始知性為體，如流水；心為用，如堅冰，則「不一」。又知離體無用，如水凝而冰；離用無體，如冰融而水，則「不異」。故曰：「融通二邊，不一不異，謂之中」。

○然則即虛靈，而應物也；即應物，而虛靈也。空即假中也，假即空中也，中即空假也。

◆「然則」，非緊承上文而言，乃遠指三諦之相貌皆即吾心。謂三諦雖殊，但一心不二。蓋即此虛靈之心，而熾然應物，是真諦已即俗矣！即此應物之心，而寂爾虛靈。是俗諦已即真矣！真即俗，則照俗而遮真；俗即真，則照真而遮俗。遮照同時，三諦圓具矣！◆三觀亦然，即虛靈而熾然應物，故即空即假；即應物而寂爾虛靈，故即假即空；即二邊而融通，故空假即中，中即空假也。

○是稱性而修也！絕待而照也！不思議之三觀也！首楞大定之司南也！此別論也，如此。

◆「是」乃決定詞，直貫下文。全三諦之性，以起三觀之修，故曰：「稱性而修」。諦觀俱

在一心，一心豈有能所？故曰：「絕待而照」，亦此意也。今三觀不二，一一相即，故曰：「不思議之三觀」。

◆梵語「首楞嚴」，此云：究竟堅固，通號首楞大定，是妙覺異名。「司南」即指南。謂一心三觀乃大定之因，亦即成佛之因，故曰：「首楞大定之司南也」。

◆「別論」：指三諦三觀各有能所。

○若總論者，或以吾心虛靈者為空，以所觀萬物者為假，以心境不二者為中。

◆此中所說次第，乃以不次第而為次第，故稱總論。如三法本具一性，諦觀同在一心，尚何次第可言？然隨人用之，不無「賓主」。今初以能觀之空為主，則假中為賓。賓隱而主現，故曰：「以吾心虛靈者為空」。次以所觀之假為主，則空中皆賓，亦賓隱而主現。故曰：「以所觀萬物者為假」。三、以能所合一為主，則空假皆賓，亦賓隱而主現。故曰：「以心境不二者為中」。